

Opcion 1 (*Dictada a traucs*)

Me sovenguèri d'un jorn que i aviá pas escòla, probablament un dijòus, que lo paire me prenguèt amb el per anar castanhar en aval, al pè de la Bòria de Reines, per la castanhal de son oncle del Pausador. Aqueste que sarrava los quatre vint ans èra vengut tròp patraca per poder contunhar d'i anar. Ça que la, fins a aquestas darrièras annadas, lo moment vengut, a punta d'alba, l'oncle jonhiá lo parelh de vacas e amb la carreta vièlha davalava a la castanhal d'ont tornava montar a solelh colc amb de sacats de castanhas per passar l'ivèrn.

L'oncle agèt pas jamai ni tractor, ni veitura e foguèt un dels darrièrs dins lo país a trabalhar la bòria amb lo parelh de vacas.

N'èra de las castanhals coma dels autres camps que portavan las culturas tradicionalas : èran menimosament entreteguas, romècs e falguièiras copadas, rasteladas puèi cremadas cada an. Se podia passejar per las castanhals coma per un prat que ven d'èsser dalhat. (25 trauquets per un total de 162 mots)

Opcion 2 (*Dictada classica*) — *Primièra frasa – 15 mots – comuna a totes los candidats.*

Arribèrem de bon matin als castanhièrs, aviam presa la saqueta amb lo manjar pel miègjorn.

Ieu qu'èri pas plan gròs, drollet de sièis o sèt ans, agachavi amb respècte aqueles arbres gigants que montavan cap al cèl e que ne vesiaí pas solament la cima. (15 + 30 = 45 mots ; *aici s'arrèstan los pichons.*)

Lor camba, benlèu mai que centenària, me semblava enòrma e m'amusavi a ne far e tornar far lo torn.

Ajudèri lo paire a amassar las castanhas. Rastelava las pelofas cap enbàs per ne far una cordelada.

(45 + 36 = 81 mots ; *aici s'arrèstan los joves.*)

Puèi amassàvem las castanhas dins de pairòls abans de las vojar dins de sacas de jute, las meteissas sacas que nos servissiam per metre lo gran quand batiam.

Las amassar, aquò rai ! Mas abans las calia far sortir de las pelofas e ni mai per utilizar un flòc de forcadèl tirat d'una branca de l'arbre, nos ponchàvem los dets, subretot los meus qu'avián encara la pèl fina. (67 m)

(Total opcion 2 : 148 mots)

(Tèxt entièr : 162 + 148 = 310 mots)



Opcion 1 (*Dictada a traucs*)

Me sovenguèri d'un jorn que i aviá pas escòla, probablament un dijòus, que lo paire me prenguèt amb el per anar castanhar en aval, al pè de la Bòria de Reines, per la castanhal de son oncle del Pausador. Aqueste que sarrava los quatre vint ans èra vengut tròp patraca per poder contunhar d'i anar. Ça que la, fins a aquestas darrièras annadas, lo moment vengut, a punta d'alba, l'oncle jonhiá lo parelh de vacas e amb la carreta vièlha davalava a la castanhal d'ont tornava montar a solelh colc amb de sacats de castanhas per passar l'ivèrn.

L'oncle agèt pas jamai ni tractor, ni veitura e foguèt un dels darrièrs dins lo país a trabalhar la bòria amb lo parelh de vacas.

N'èra de las castanhals coma dels autres camps que portavan las culturas tradicionalas : èran menimosament entreteguas, romècs e falguièiras copadas, rasteladas puèi cremadas cada an. Se podia passejar per las castanhals coma per un prat que ven d'èsser dalhat. (25 trauquets per un total de 162 mots)

Opcion 2 (*Dictada classica*) — *Primièra frasa – 15 mots – comuna a totes los candidats.*

Arribèrem de bon matin als castanhièrs, aviam presa la saqueta amb lo manjar pel miègjorn.

Ieu qu'èri pas plan gròs, drollet de sièis o sèt ans, agachavi amb respècte aqueles arbres gigants que montavan cap al cèl e que ne vesiaí pas solament la cima. (15 + 30 = 45 mots ; *aici s'arrèstan los pichons.*)

Lor camba, benlèu mai que centenària, me semblava enòrma e m'amusavi a ne far e tornar far lo torn.

Ajudèri lo paire a amassar las castanhas. Rastelava las pelofas cap enbàs per ne far una cordelada.

(45 + 36 = 81 mots ; *aici s'arrèstan los joves.*)

Puèi amassàvem las castanhas dins de pairòls abans de las vojar dins de sacas de jute, las meteissas sacas que nos servissiam per metre lo gran quand batiam.

Las amassar, aquò rai ! Mas abans las calia far sortir de las pelofas e ni mai per utilizar un flòc de forcadèl tirat d'una branca de l'arbre, nos ponchàvem los dets, subretot los meus qu'avián encara la pèl fina. (67 m)

(Total opcion 2 : 148 mots)

(Tèxt entièr : 162 + 148 = 310 mots)